



14 Jun 2012
14 June 2012
P.U. (A) 177

WARTA KERAJAAN PERSEKUTUAN

FEDERAL GOVERNMENT GAZETTE

PERINTAH JAMINAN PINJAMAN
(PERTUBUHAN PERBADANAN)
(PEREMITAN CUKAI DAN DUTI SETEM) (NO. 3) 2012

*LOANS GUARANTEE (BODIES CORPORATE)
(REMISSION OF TAX AND STAMP DUTY) (NO. 3)
ORDER 2012*



DISIARKAN OLEH /
PUBLISHED BY
JABATAN PEGUAM NEGARA /
ATTORNEY GENERAL'S CHAMBERS

AKTA JAMINAN PINJAMAN (PERTUBUHAN PERBADANAN) 1965

PERINTAH JAMINAN PINJAMAN (PERTUBUHAN PERBADANAN)
(PEREMITAN CUKAI DAN DUTI SETEM) (NO. 3) 2012

PADA menjalankan kuasa yang diberikan oleh subseksyen 10(1) Akta Jaminan Pinjaman (Pertubuhan Perbadanan) 1965 [*Akta 96*], Menteri membuat perintah yang berikut:

Nama dan permulaan kuat kuasa

1. (1) Perintah ini bolehlah dinamakan **Perintah Jaminan Pinjaman (Pertubuhan Perbadanan) (Peremitan Cukai dan Duti Setem) (No. 3) 2012**.

(2) Perintah ini hendaklah disifatkan telah mula berkuat kuasa pada 1 Jun 2012.

Peremitan cukai

2. (1) Apa-apa cukai yang kena dibayar di bawah Akta Cukai Pendapatan 1967 [*Akta 53*] hendaklah diremitkan sepenuhnya berkenaan dengan apa-apa wang yang kena dibayar di bawah apa-apa perjanjian, nota, surat cara atau dokumen berhubung dengan—

(a) mana-mana Nota Jangka Sederhana Islam dan Kertas Komersial Islamik yang diterbitkan menurut Program Nota Jangka Sederhana Islam dan Kertas Komersial Islamik dengan nilai nominal sehingga lapan bilion ringgit (RM8,000,000,000.00) (“Program IMTN dan ICP”) oleh DanaInfra Nasional Berhad (“Penerbit” atau “Peminjam”) termasuklah tetapi tidak terhad kepada apa-apa perjanjian, nota, surat cara dan dokumen berhubung dengan jaminan (“Jaminan”) yang diberikan atau akan diberikan oleh Kerajaan Malaysia (“Kerajaan”), yang kena dibayar oleh—

(i) Penerbit, yang baginya Akta ini terpakai menurut kuasa Perintah Jaminan Pinjaman (Penetapan Pertubuhan

Perbadanan) (DanaInfra Nasional Berhad) 2012
[P.U. (A) 176/2012];

- (ii) mana-mana pemegang Nota Jangka Sederhana Islam dan Kertas Komersial Islamik;
 - (iii) mana-mana pihak lain kepada apa-apa perjanjian, nota, surat cara dan dokumen berhubung dengan Program IMTN dan ICP, termasuklah mana-mana pihak yang kepadanya perjanjian, nota, surat cara dan dokumen itu dipindahkan atau diserahkan; atau
 - (iv) mana-mana pihak lain kepada apa-apa perjanjian, nota, surat cara dan dokumen berhubung dengan Jaminan itu, termasuklah mana-mana pihak yang kepadanya perjanjian, nota, surat cara dan dokumen itu dipindahkan atau diserahkan; dan
- (b) Pembiayaan Pinjaman Bersindiket *Revolving Credit* Islam dengan amaun agregat prinsipal sehingga lapan bilion ringgit (RM8,000,000,000.00) (“Pembiayaan SFF-i”) yang diperoleh oleh Peminjam, termasuklah tetapi tidak terhad kepada apa-apa perjanjian, nota, surat cara dan dokumen berhubung dengan Jaminan itu, yang kena dibayar oleh Peminjam, yang baginya Akta ini terpakai menurut kuasa Perintah Jaminan Pinjaman (Penetapan Pertubuhan Perbadanan) (DanaInfra Nasional Berhad) 2012 [P.U. (A) 176/2012].
- (2) Bagi maksud subperenggan (1), agregat—
- (a) nilai nominal belum berbayar Nota Jangka Sederhana Islam dan Kertas Komersial Islamik yang diterbitkan di bawah Program IMTN dan ICP;

- (b) amaun prinsipal belum berbayar di bawah Pembiayaan SFF-i;
- (c) nilai nominal belum berbayar Nota Jangka Sederhana Islam dan Kertas Komersial Islamik yang diterbitkan di bawah Program IMTN dan ICP; dan
- (d) amaun prinsipal belum berbayar di bawah Pembiayaan SFF-i yang dijamin oleh Kerajaan di bawah Jaminan itu,

tidak boleh melebihi lapan bilion ringgit (RM8,000,000,000.00).

Peremitan duti setem

3. (1) Apa-apa duti setem yang kena dibayar di bawah Akta Setem 1949 [Akta 378] berkenaan dengan apa-apa perjanjian, nota, surat cara atau dokumen berhubung dengan Nota Jangka Sederhana Islam dan Kertas Komersial Islamik, Program IMTN dan ICP yang diterbitkan oleh Penerbit atau Pembiayaan SFF-i yang diperoleh oleh Peminjam, atau berhubung dengan Jaminan itu hendaklah diremitkan sepenuhnya.

(2) Bagi maksud subperenggan (1), agregat—

- (a) nilai nominal belum berbayar Nota Jangka Sederhana Islam dan Kertas Komersial Islamik yang diterbitkan di bawah Program IMTN dan ICP;
- (b) amaun prinsipal belum berbayar di bawah Pembiayaan SFF-i;
- (c) nilai nominal belum berbayar Nota Jangka Sederhana Islam dan Kertas Komersial Islamik yang diterbitkan di bawah Program IMTN dan ICP; dan
- (d) amaun prinsipal belum berbayar di bawah Pembiayaan SFF-i yang dijamin oleh Kerajaan di bawah Jaminan itu,